

Marksonn Maduro candidato nobo riba lista AVP

ORANJESTAD – Recientemente partido AVP a presenta Marksonn Maduro como candidato nobo riba lista. E anochi aki Marksonn Maduro a hiba un discurso pa prome biha dilanti un multitud di hende.

Marksonn a conta cu e hubentud di Aruba ta consisti di hobennan inteligente cu hopi bon idea y alabes cu hopi gana pa innova. “E

generacion nobo aki no solamente ta aporta asina hopi, pero tambe tin un vision pa crea un miho version di Aruba.” Marksonn a bisa e publico grandi cu tur cu conoce sa cu e no ta un ‘quitter’.

El kier ta e brug pa uni otro nan, traspasa ideanan innovativo y bay pa accion. Finalmente pa medio di accion e ideanan ta bira realidad. “Mi no ta mi so den e pensamentu aki. Tin hopi hende eyfo



cu gana di crea algo y contribui bek na Aruba. No obstante cu mi ta un estudiante y empresario hoben, entrepreneurship den mi hamas a drumi, al contrario, el a percura pa mi crece y sigui riba areanan nobo y innovativo.”

Marksonn a cuminsa na edad hoben den negoshi y danki na su dedicacion y perseverancia el a logra. E kier pa tur otro hoben na Aruba cu kier haci mescos logra tambe nan soño y idealnan.

“Mi kier pa nan usa mi bos, ban intercambia idea, ban busca y haya oido y asina abo tambe ta hunga un rol importante den e pais cu nos ta stima, Aruba.

Laga bo “footprints” atras y cana hunto cumi y den cada paso logra un miho Aruba,



cu ta vision di partido AVP.” Dirigiendo su mes na e publico Marksonn a lansa e siguiente pregunta den aire. “Abo ta prepara pa un aliento fresco, un candidato activo,

un candidato cu un estilo diferente, unda mi ta compromete mi mes 100% cu mi alma y curason pa yuda nos hubentud pa nos crea un miho version di Aruba.